

ҲИС-ТУЙҒУЛАР УНИВЕРСАЛЛИГИ ВА ҲИССИЙ-ЛИСОНИЙ ОЛАМ МАНЗАРАСИГА ПСИХОЛИНГВИСТИК ЁНДАШУВ

Дилором Бузрукова

Фарғона давлат университети
мактабгача таълим кафедраси ўқитувчиси

АННОТАЦИЯ

Мақолада ҳиссий-лисоний олам манзарасини ўрганишда миллий дунёқараиш, оламнинг лисоний ва концептуал манзараси муҳим аҳамиятга эга эканлиги ҳақида сўз юритилади, шунингдек, фанда ҳис-туйғуларнинг универсаллиги ёки этник шартлилиги ва шунга мос равишда универсал – этномахсус ҳиссий олам манзарасининг мавжудлиги масаласини ҳал қилишнинг 3 та махсус ёндашувини замонавий психология ва психоллингвистика шартли равишда ажратиб кўрсатиб бериши кўриб чиқилади.

Калит сўзлар: *Стереотип, психология, психоллингвистика, универсал, интегратив, миллий-маданият, этник мансублик, эмоционал, концептосфера, концептуал.*

ABSTRACT

The article talks about the importance of national outlook, linguistic and conceptual landscape of the world in studying the landscape of the emotional-linguistic world, as well as 3 special ways of solving the issue of the universality or ethnic conditionality of emotions in science and, accordingly, the existence of a universal-ethnospecific landscape of the emotional world. It is considered that modern psychology and psycholinguistics conditionally distinguish the approach.

Key words: *Stereotype, psychology, psycholinguistics, universal, integrative, national-cultural, ethnic, emotional, conceptual, conceptual.*

КИРИШ

Инсонларга хос бўлган барча ҳиссий ҳолатлар ва кечинмалар мажмуи сифатида юзага келадиган ҳиссий-лисоний манзара алоҳида вазиятларни қайта кодлаш натижасида таркиб топади. Барча маданият вакиллари учун мавжуд бўлган ҳис-туйғуларнинг ижтимоий ядроси, хулқ-атвор шакллари ва ҳиссий вазиятларнинг стереотиплари ҳиссий маъно ифодаловчи концептлар барқарорлиги ва тан олиниши билан белгиланади.

Ҳозиргача фанда ҳис-туйғуларнинг универсаллиги ёки этник шартлилиги ва шунга мос равишда универсал-этномахсус ҳиссий олам манзарасининг мавжудлиги масаласи мунозарали бўлиб қолмоқда. Ўрганишларимизга кўра,

замонавий психология ва психоллингвистика бу масалани ҳал қилишнинг 3 та махсус ёндашувини шартли равишда ажратиб кўрсатмоқда:

1) Маданий-релятивистик ёндашув вакиллариининг таъкидлашича, барча ҳис-туйғулар этник жиҳатдан ўзига хосдир, уларнинг ички ва ташқи намоён бўлиш хусусиятлари миллий характер, маданият ҳамда анъаналар билан боғлиқ. (А.Вежбицкая, У.Джеймс, Р.Джек, Б.Гаррод ва бошқалар)

2) Универсал ёндашув тарафдорлари инсонларга хос барча ҳис-туйғуларни универсал деб ҳисоблайдилар. Барча инсонлар ўзининг миллатидан ва маданий омиллардан қатъий назар уларни бир хил тарзда бошдан кечирадидилар деб ҳисоблайдилар. (С.С.Тимкинс, Р.Мак Картер, П.Эман, В.И.Фриесен, Ж.Д.Боучер).

3) Интегратив ёндашув вакиллари эса, ҳар иккала ёндашувни ҳам инкор этмайдилар, лекин миллий-маданият ва этник мансублик кишиларнинг эмоционал ҳолатида ҳамда уларнинг ҳис-туйғуларида ўзига яраша из қолдиради дея таъкидлайдилар. Масалан, бошдан кечирилган кучли ҳис-туйғуларнинг шиддатлилиги ва давомийлиги, уларнинг юзага келишига сабаб бўлган вазиятлар мажмуи каби. Шунингдек, шахснинг ҳиссий вазиятдаги ҳатти-ҳаракатларига сабаб бўлиши мумкин бўлган вазиятлар мажмуини ҳам алоҳида белгилайдилар. Уларнинг таъкидлашича, ижтимоий шартланган иккинчи даражали, яъни умуминсоний туйғулар асосида туғилган ва универсал ҳисобланган ҳис-туйғулар. Қолганлари эса этник жиҳатдан хосланган.

Универсалистларнинг кўпчилиги П.Е.Клобуковнинг фикрича, тадқиқот тилининг гаровига айланиб қоладилар. Улар инглиз халқининг таксономиясини ҳиссий ҳолатларнинг объектив модели сифатида тайинлайдилар¹.

МУҲОКАМА ВА НАТИЖАЛАР

Ҳар қандай шахс ижтимоий мавжудот бўлганлиги сабабли, маълум бир этник жамоага таалуқлилиқ унинг онгли ва онгсиз борлигида, сўнгра унинг дунёқарашида ва оламга муносабатида из қолдиради. Этник жиҳатдан хосланишига кўра ажратилган ҳиссиётлар умуминсоний туйғулар билан кескин фарқланмаслиги тўғрисида ҳам қарашлар йўқ эмас. Шу сабабли биз тадқиқотимизда интеграциялашган ёндашувга амал қилишни маъқул топдик.

¹. Клобуков П. Е. Эмоции, сознание, культура (особенности отражения эмоций в языке) // Язык, сознание, коммуникация: сб. статей / ред. В. В. Красных, А. И. Изотов. – Москва : Филология, 1998. – Вып. 4. – С.113 (110 – 123).

Айнан шу ёндашув олам ҳиссий-лисоний манзарасини аниқлашни ўз ичига олади. Ҳиссий-лисоний олам манзарасини ўрганишда - миллий дунёқараш, оламнинг лисоний ва концептуал манзараси муҳим аҳамиятга эга. А.А.Селиванованинг таъкидлашича, оламнинг концептуал манзараси инсон томонидан ўзлаштирилган дунёнинг онгдаги тасвири сифатида белгиланади². Воқеликнинг яхлит қиёфаси сифатида концептуал олам манзараси инсон билиш фаолиятининг барча ҳаракатлари учун воситачи бўлиб хизмат қилади. Демак, у инсон интеграциясининг ўзаги ва инсон фаолиятининг турли соҳаларини уйғунлаштирувчи ҳамда уларнинг бир-бири билан алоқасини боғлаш вазифасини бажаради³.

ОЭМ ва оламнинг лисоний манзарасининг сифат жиҳатидан фарқи шундаки, шахснинг онгида эмоционал билиш жараёнида реал объектларнинг ўзи ёки реал дунё ҳодисалари акс этмайди, балки шахснинг уларга нисбатан субъектив муносабати акс этади⁴.

ХУЛОСА

Концептуал олам манзарасини ташкил этувчи концептларни эса, инсон онгини фикрлаш жараёнида ҳаракатга келтирувчи билимлар миқдори сифатида ҳам белгилаш мумкин. Олам тўғрисидаги билимлардан тузилган ва тартибланган концептлар тизими воқелик ва инсон онгида ички акс эттириш тажрибасининг натижалари индивидуал ва жамоавий бўлиши мумкин. У ёки бу соҳа билимларини қамраб олган концептосфера эса концептуал олам манзарасининг таркибий қисми ҳисобланади.

Маълум бир жамоага тегишли концептуал тизим, хусусан, миллий концептлар концептуал олам манзарасида этник гуруҳнинг жамоавий тажрибасини, билимларини умумлаштириб тақдим этади. Бу эса уларга, яъни унинг вакилларига ўзаро тушуниш ва таъсир қилиш имконини беради⁵.

REFERENCES

1. Клобуков П.Е. Эмоции, сознание, культура (особенности отражения эмоций в языке)//Язык, сознание, коммуникация: сб. статей/ ред. В.В. Красных, А.И.Изотов.- Москва: Филология, 1998. – Выш. 4. – С.113 (110 – 123).

² Селиванова О. О. Лингвистична енциклопедія. – Полтава : Довкілля-К, 2010. – 300 р. (844) с.

³ Роль человеческого фактора в языке: Язык и картина мира / Серебренников Б. А., Кубрякова Е. С., Постовалова В. И., Телия В. Н., Уфимцева А. А. / Б. А. Серебренников (ред.). – Москва : Наука, 1988. – 25 с. (215) с.

⁴ Мадаминова Н.Г. Оламнинг лисоний манзарасида эмоционал концептлар. Филол.фан. д-ри. ...(DSc) дисс. – Тошкент, 2021. –69 б.

⁵ Попова З. Д., Стернин И. А. Когнитивная лингвистика : учеб. изд. – Москва : АСТ; Восток-Запад, 2007. – 21с.

-
2. Мадаминова Н.Г. Оламнинг лисоний манзарасида эмоционал концептлар. Филол. фан. д-ри....(ДSc) дисс.- Тошкент. 2021.-69 б.
 3. Попова З.Д., Стернин И.А. Когнитивная лингвистика : учеб. изд.— Москва : АСТ; Восток-Запад, 2007. - 21с.
 4. Роль человеческого фактора в языке: Язык и картина мира / Серебренников Б.А., Кубрякова Е.С., Поставалова В.И., Телия В.Н. Уфимцева А.А. / Б.А. Серебренников (ред). — Москва: Наука,1998. — 25с. (215) с.
 5. Селіванова О.О. Лінгвістична енциклопедія. — Полтава : Довкілля-К, 2010.- 300 р. (844)с.